

ଯୋହନଙ୍କ ପ୍ରଥମ ପତ୍ର ଜହନ୍ନେ ପଢ଼ୁମ୍ ଉଲିଆଃ

ଜହନ୍ ବଇ ବିସୟରେ ଉଠିକ୍ଲିଗ୍ ସାମୁଆଁ

ପଢ଼ୁମ୍ ଜହନ୍ନେ ଉଲିଆ ଜିସୁ କ୍ରିସ୍ଟୁନେ ଜନମ୍ ଇଡ଼ିଙ୍ଗ୍ ୫୦ ବାନ୍ ୧୦୦ କ୍ରିସ୍ଟୁଇ ବିତ୍ରେ ପ୍ରେରିତ୍ ପାଉଲ୍ନେ ବାନ୍ ଗୁଆର୍ ବଆରକେ । ଜହନ୍ ନିଜେ ଗୁଆର୍ଣ୍ଣେ ବାବ୍ରେ ପରିଚୟ୍ ଆବିକେ ଶୁ ମାତର୍ ପଢ଼ୁମ୍ ଅଦ୍ୟାୟ୍ନିଆ ମେଁ ଜିସୁ କ୍ରିସ୍ଟୁନେ ଜିବନ୍ ବାରି ଗୁଏଚେ ମ୍ଲକ୍ଣେ ସାକି ଲେଃକେ ତାଗ୍ରେ ଜାନା ପଡ଼େତିକେ ୧:୧-୩ । ପଢ଼ୁମ୍ ଜହନ୍ ଗୁଆର୍ଣ୍ଣେ ଲେକା ଜହନ୍ ଗୁଆର୍ଣ୍ଣେ ନିମାଣ୍ଡାସାମୁଆଁ ଏତେ ଜାବର୍ ତାଗ୍ରା ନାଡ଼ିକେ । ଏନ୍ ବିସ୍ବାସ୍ ତିଙ୍ଗ୍ଆରତିକେ ଜେ ଉଡ଼ି ବେଲା ମେଁ ଏପିସିୟନ୍ନିଆ ଲେଃକେ ମେଁ ଜହନ୍ ଗୁଆର୍ଣ୍ଣେ ନିମାଣ୍ଡାସାମୁଆଁ ବାରି ଜହନ୍ନେ ଞ୍ଜିକ୍ଲିଗ୍ ଉଲିଆ ମିସେଚେ ଗୁଆର୍ ବକେ ଆତେନ୍ଇଂ, ୧ ଜହନ୍ ୨ ଜହନ୍ ୩ ଜହନ୍ ।

ବୁଦି ଲେଃକେ ତାଗ୍ରେ ବାସଙ୍ଗ୍ ମ୍ୟାକ୍ଣେ ଗୁଲୁଏ ରେମୁଆଁଇଂନେ ବାନ୍ ମଣ୍ଡୁଲି ଗର୍ବନାନେ ସେଃମ୍ ତିଙ୍ଗ୍ନେ ବେଲା ଜହନ୍ ସାପା କ୍ରିସ୍ଟିୟାନ୍ଇକେ ଏନ୍ ଉଲିଆ ଗୁଆର୍ ବକେ । ମେଇଂ ବିସ୍ବାସ୍ ତିଙ୍ଗ୍ଆରତିକେ ଜେ ଜିସୁ ସତ୍ରେ ଇସ୍ପର୍, ମାତର୍ ମଞ୍ଚପୁର୍ନିଆ ଲେଃନେ ବେଲା ମେଁ ମିଆଁ ଚିଲି ସାଚେ ରେମୁଆଁ ଶୁ । ଜହନ୍ ଜିସୁ କ୍ରିସ୍ଟୁନେ ସତ୍ରେ ସାକି ବାରି ମେଁନେ ତ୍ରି ଜିସୁକେ ଲିଗ୍ ବକେ ସା ମେଁ ଏନ୍ ଗୁଆର୍ଣ୍ଣେ ୧:୧-୩ । ଜହନ୍ ଏନ୍ ଉଲିଆ ଗୁଆର୍ନେ କାରନ୍ ଆମେକେ ସାର୍ଦା ଆଡ଼ିଙ୍ଗ୍ନେ ୧ ଜହନ୍ ୧:୪ ବାରି ବିସ୍ବାସିଇଂକେ ପାପ୍ ବାନ୍ ନିମାଣ୍ଡା ବନ୍ସା ୧ ଜହନ୍ ୨:୧ ବାରି ମିଚ୍ ଗ୍ୟାନ୍ ବାନ୍ ବିସ୍ବାସିଇଂକେ ରକ୍ୟା ବିନ୍ସା ୧ ଜହନ୍ ୨:୨୭ ବାରି ବିସ୍ବାସିଇଂକେ ରକ୍ୟା ତିଙ୍ଗ୍ନେ ସତେଆ ତାଗ୍ରେ ମ୍ୟାନ୍ସା ୫:୧୩ ।

ସାସ୍ତ୍ର ବିତ୍ରେ ଲେଃକେ ସାମୁଆଁଇଂ

୧. ଅଜନ୍ ମେଁନେ ଉଲିଆନେ ପରିଚୟ୍ ବିନେ ଗୁଆର୍ଣ୍ଣେ ବିସୟ୍ ଗୁଆର୍ଣ୍ଣେ । ୧:୧-୪

- ୨. ଇସ୍ପତର ଡିରକମ୍ ତାରକିଗ୍ ଲେଖକେ ବୁଜେ ବଚେ ଜିସୁନେ ରକମ୍ ଜିବନ୍ କାଚେ ନ୍‌ସା ବାସଙ୍ଗ୍‌ତିକେ । ୧:୫-୩:୧୦
- ୩. ପର୍ମେସର୍‌କେ ଆଲାଦ୍ ଡିଙ୍ଗ୍‌ନେ ବିସୟ୍‌ରେ ଆନେକେ ମନେ ଲ୍ଲାଗ୍ ବିଃଡିଂକେ । ୩:୧୧-୫:୧୨
- ୪. ମେଁ ନିଜେ ଗୁଆରକ୍ଲେ ବନ୍ଦ୍ ଆଡିଙ୍ଗ୍‌କେ । ୫:୧୩-୨୧

ପାରାନ୍ ରକମ୍‌ନେ ବ୍ଲାଲିର୍

୧ ଅଃସେବାନ୍ ଜା ଲେଃକେ ଜାନେ ବ୍ଲାଲିର୍ ନେ ଅଁଲ୍ଲେକେ ଜାଣ୍ଡେକେ ନେନେ ମମ୍‌ଆଃନ୍ନିଆ କେନେଲେଃକେ ଜାଣ୍ଡେକେ ନେନେ ତୁରନେଡିଙ୍ଗ୍‌କେ ବାରି ନିଜର୍ ଛିନ୍ନିଆ ଲିଗ୍‌ନେବକେ । ଆତେନ୍ ପାରାନ୍ ରକମ୍ ବ୍ଲାଲିର୍ ବିସୟ୍‌ରେ ଆପେକେ ଆଅଁ ନେଡିଙ୍ଗ୍‌କେ । ୨ ✨ଆତେନ୍ ପାରାନ୍ ବାଏରେ ତାରକେ ବାରି ନେ କେନେଡିଙ୍ଗ୍‌କେ ବାରି ସାକି ବିନେଡିଙ୍ଗ୍; ଆଣ୍ଡିନେ ମାତାନେ ପାରାନ୍ ଆବାନେ ଏତେ ଲେଃକେ । ବାରି ନେଁଇଂନେ ଡାଗ୍ରା ତାରକେ ମେଁନେ ବିସୟ୍‌ରେ ଆପେକେ ଆଅଁ ନେଡିଙ୍ଗ୍ । ୩ ମେଁନେ ନେ କେନେଡିଙ୍ଗ୍‌କେ ବାରି ଦ୍ରିଗ୍‌ନେଡିଙ୍ଗ୍ ଆତେନ୍ ଆପେକେ ତିଗ୍ ଆଅଁ ନେଡିଙ୍ଗ୍ ଡିରକମ୍ ପେଇଂନେ ତିଗ୍ ନେଁଇଂନେ ଏତେ ସାଇଜ ଡିଙ୍ଗ୍‌ପାରେ; ବାରି ନେଁଇଂନେ ସାଇଜନେ ଆବା ବାରି ମେଁନେ ଉଙ୍ଗ୍‌ଡେ ଜିସୁ କିସ୍‌ଟନେ ଏତେ ଲେଃକେ । ୪ ନେଁଇଂନେ ସାର୍ଦା ଡିରକମ୍ ବର୍ତ୍ ଡିଙ୍ଗ୍‌ଏ ଏନ୍‌ସା ନେ ଏନ୍‌ସାପା ଆପେକେ ଗୁଆରନେଡିଂକେ ।

ଇସ୍ପତରନେ ତାରକିଗ୍

୫ ଇସ୍ପତରନେ ଉଙ୍ଗ୍‌ଡେ ଜିସୁ କିସ୍‌ଟନେ ବାନ୍ ନେନେ ଆଣ୍ଡିନେ ବ୍ଲାଲିର୍ ଅଁଚେ ବାଲିର୍ ନେଡିଙ୍ଗ୍ ଆତେନ୍ ତିଂକେ ଇସ୍ପତର ତାରକିଗ୍ । ମେଁନେ ଡାଗ୍ରା ଚିନା ତିଗ୍ ତାଙ୍ଗ୍‌କିଗ୍ ଶୁ । ୬ ମେଁନେ ଏତେ ନେଁଇଂନେ ସଙ୍ଗ୍‌ସାତି ଲେଃକେ ଡାଗ୍‌ଚେ ବାସଙ୍ଗ୍‌ଚେ ଜଦି ନେ ତାଙ୍ଗ୍‌କିଗ୍‌ନ୍ନିଆ ବାସା ନେଡିଙ୍ଗ୍‌ଏ, ତେଲା ନେ ସାମୁଆଁରେ ବାରି କାମ୍‌ରେ ମିରୁଆ ନେଡିଙ୍ଗ୍‌ଏ, ଆରି ସଡ୍ ବେବଆର୍ ତିଂ ନେଃଲେଃ ଶୁ । ୭ ମାତର୍ ଇସ୍ପତରନେ ରକମ୍ ନେନେ ଜଦି ତାରକିଗ୍‌ନ୍ନିଆ ବାସା ନେଲେଏ

✨ ୧:୨ ୧:୨ ଜହନ୍ ୧:୧୪.

ନେନେ ନିଜେ ନିଜେ କୁଡ଼େରେ ନେଲେଃଏ ବାରି ମେଁନେ ଉଠିବେ
ଜିସୁନେ ମ୍ୟା ନେ ସାପାରେକେ ପାପ୍‌ବାନ୍ ପର୍ରଲ୍ ଆଃଡ଼ିଙ୍ଗ୍‌ଏ ।

୮ ନେଁକ୍‌ନେ ପାପ୍ ଶୁ ଏନ୍ ଜଦି ନେବାସଙ୍ଗ୍‌ଏ ତେଲା ନିଜେ
ନିଜେକେ ନାଲେ ନେଡ଼ିଙ୍ଗ୍‌କେ ବାରି ନେକ୍‌ନେ ଡାଗ୍ରା ସଡ଼ ଶୁ । ୯ ଜଦି
ନେ ନିଜର୍ ନିଜର୍ ପାପ୍ କେମା ନେଡ଼ିଙ୍ଗ୍‌ଏ, ତେଲା ମେଁ ନେଁକ୍‌ନେ
ପାପ୍ କେମା ଡିଙ୍ଗ୍ ନ୍‌ସା ଦରମ୍ ବାରି ବିଚାର୍ ଡିଂଶ୍ଟ୍ରେ । ୧୦ ନେ ପାପ୍
ନେଡ଼ିଙ୍ଗ୍‌କେ ଶୁ ଏନ୍ ଜଦି ନେବାସଙ୍ଗ୍‌ଏ ତେଲା ନେ ଆମେକେ ମିରୁଆ
ଆଡ଼ିଙ୍ଗ୍ ନେଡ଼ିଙ୍ଗ୍ ବାରି ମେଁକ୍‌ନେ ବ୍ଲାଲିର୍ ନେଁକ୍‌ନେ ଡାଗ୍ରା ଶୁ ।

୨

ରକ୍ୟା ଡିଙ୍ଗ୍‌ଶ୍ଟ୍ରେ ଜିସୁ

୧ ଅ ନେକ୍‌ନେ ଗଡ଼େକ୍ ଆପେକେ ନେକ୍‌ନେ ଏନ୍ ଉଲିଆ
ଗୁଆରନେ ବିସୟ୍ ଏନ୍ ପଡ଼େରେ ଡିରକମ୍ ଆରି ପାପ୍ ପେଡ଼ିଙ୍ଗ୍ ଶୁ ।
ବାରି ପେକ୍ ଡିରକମ୍ ପେମ୍ୟାଏ ଜାଣ୍ଟେ ଜଦି ପାପ୍ ଡିଙ୍ଗ୍‌ଏ ନେ ନ୍‌ସା
ଇସ୍‌ପରନେ ଡାଗ୍ରା କେମା ଡିଙ୍ଗ୍ ନ୍‌ସା ମୁକ୍‌ଜା ମ୍ବାପୁନ୍ୟବାନ୍ ରେମୁଆଁ
ଲେଃକେ ମାପୁ ଜିସୁ କିସ୍‌ଟ । ୨ ଆଡେନ୍ କ୍ରିସ୍ଟ୍ ନିଜେ ନେନେ ବାରି
ସାପା ରେମୁଆଁ ଜାଡ଼ିନେ ପାପ୍ କେମା ନ୍‌ସା ପାଙ୍ଗ୍ ଲେଃକେ ।

୩ ଇସ୍‌ପରନେ ଆଦେସ୍ ପାଲନ୍ ଡିଙ୍ଗ୍‌ନେ ବାନ୍ ନେ ଡିଲାଡ଼ିଗ୍
ଆମେକେ ମ୍ୟା ନେଲେକେ । ୪ ଜଦି ଜାଣ୍ଟେ ବାସଙ୍ଗ୍‌ଏ “ନେକ୍
ପରମେସର୍‌କେ ମ୍ୟାଲ୍‌କେ” ମାଡର୍ ମେଁନେ ଆଦେସ୍ ପାଲନ୍
ଆଡ଼ିଙ୍ଗ୍ ଶୁ ତେଲା ମେଁ ମୁକ୍‌କ୍ ମିରୁଆ । ମେଁନେ ଡାଗ୍ରା ସଡ଼ ଶୁ
। ୫ ଡାଗ୍ରା ଜାଣ୍ଟେ ଇସ୍‌ପରନେ ସାମୁଆଁ ପାଲନ୍ ଡିଙ୍ଗ୍‌ଏ ମେଁନେ
ଡାଗ୍ରା ଇସ୍‌ପରନେ ଆଲାଦ୍ ସଡେଆ ଲେଃକେ । ଏନ୍ ବାନ୍ ନେ
ନେମ୍ୟାଏ ଜେ ନେ ମେଁନେ ଡାଗ୍ରା ନେଲେକେ । ୬ ପରମେସର୍‌ନେ
ଏଡେ ନ୍‌ଲେଃକେ ଡାଗ୍ରାରେ ବାସଙ୍ଗ୍‌ଏ ମେଁ ଜିସୁ କ୍ରିସ୍ଟ୍‌ନେ ରକମ୍
ଜିବନ୍‌ଜାପନ୍ ଡିଙ୍ଗ୍‌ଲେଃ ।

ମିନେ ଆଦେସ୍

୭ *ଅ ନିଜର୍ ମେଡର୍‌କ୍ ନେକ୍ ପେକ୍‌ନେ ଡାଗ୍ରା ମେଃଡ଼ିଗ୍ ମି
ଆଦେସ୍ ବିସୟ୍‌ରେ ମ୍ବାଗୁଆରକେ ଶୁ, ମାଡର୍ ଏନ୍ ସାପା ବାଞ୍ଜିର୍

ଆଦେସ୍ ଆଣ୍ଡିନେ ଯେ ଅଃସେବାନ୍ ବାପେଲେକେ । ଆଣ୍ଡିନେ ବୁଦି ପେଇଁ ଅଁପେଲେକେ ଆତେନ୍ ଆଃ ବାଞ୍ଚିର୍ ଆଦେସ୍ । ୮ ମାତର୍ ଏନ୍‌କେ ମୁଇଁ ମି ଆଦେସ୍ ରକମ୍ ଗୁଆରୁଣ୍ଡିଂକେ ଏନ୍ ପେଇଁନେ ତାଗ୍ରା ସଡ଼ ତାଗ୍‌ତେ ନ୍ୟାଏ । ତାଙ୍ଗିକିର୍ ଗୁଚେତିଂକେ ବାରି ସଡ଼ ତାରକିର୍ ନାତିଂକେ ।

୯ ଜାଣ୍ଡେ ନିଜର୍ ବୟାଁକେ ଇଙ୍ଗ୍‌ଚେତେ ବାସଙ୍ଗ୍‌ଏ ଜେ ମେଁ ତାରକିର୍‌ନ୍ନିଆ ଲେଃକେ ମେଁ ଏଃଜାକ ତିର୍ ତାଙ୍ଗିକିର୍‌ନ୍ନିଆ ଲେଃକେ । ୧୦ ଜାଣ୍ଡେ ନିଜର୍ ବିସ୍‌ବାସ୍ ବୟାଁ ବାରି ତନାକେ ଆଲାଦ୍ ତିଙ୍ଗ୍‌ଏ ମେଁ ତାରକିର୍‌ନ୍ନିଆ ଲେଃଏ ବାରି ମେଁନେ ତାଗ୍ରା ଚେପ୍‌ୟନେ ମେଃଡ଼ିର୍ କାରନ୍ ଆଲେଃ ଶୁ । ୧୧ ମାତର୍ ଜାଣ୍ଡେ ନିଜର୍ ବୟାଁ ଶୁଲା ତନାକେ ଇଙ୍ଗ୍‌ଚେଏ ମେଁ ତାଙ୍ଗିକିର୍‌ନ୍ନିଆ ଲେଃକେ ବାରି ତାଙ୍ଗିକିର୍‌ନ୍ନିଆ ଅଲେଙ୍ଗ୍‌ଚେ ଆଣ୍ଡିପାକା ଝେଡ଼ିଙ୍ଗ୍‌କେ ଆତେନ୍ ଆମ୍ୟା ଶୁ ତାଗ୍ରା ତାଙ୍ଗିକିର୍ ମେଁନେ ମ୍‌ମୁଆଃକେ କାନା ଆଡ଼ିଙ୍ଗ୍ ବକେ ।

୧୨ ଅ ଇସ୍‌ପର୍ ଗଡ଼େଇଁ, ପେଇଁନେ ତାଗ୍ରା ଗୁଆରୁଣ୍ଡିଂ, ତାଗ୍ରା କ୍ରିଷ୍ଟୁନେ ମି ନ୍ୟା ପେଇଁନେ ପାପ୍ କେମା ତିଙ୍ଗ୍‌କେ । ୧୩ ଅ ଆବାଇଁ ନେଙ୍ଗ୍ ପେଇଁନେ ତାଗ୍ରା ଗୁଆରୁଣ୍ଡିଂ; ତାଗ୍ରା ଜାଣ୍ଡେ ଅଃସେବାନ୍ ଲେଃକେ ଆମେକେ ପେଇଁ ମ୍ୟା ପେଲେକେ । ଅ ଜିରେଇଁ ନେଙ୍ଗ୍ ପେଇଁନେ ତାଗ୍ରା ଗୁଆରୁଣ୍ଡିଂ; ତାଗ୍ରା ପେଇଁ ପାପ୍‌ବାନ୍ ଜିତେ ପେଲେକେ ।

୧୪ ଅ ଗଡ଼େଇଁ ନେଙ୍ଗ୍ ପେଇଁନେ ତାଗ୍ରା ଏନ୍ ଉଲିଆ ଗୁଆରୁଣ୍ଡିଂକେ ତାଗ୍ରା ପେଇଁ କିତଂନେ ଆବାକେ ମ୍ୟା ପେଲେକେ । ଏ ଆବାଇଁ ନେଙ୍ଗ୍ ପେଇଁନେ ତାଗ୍ରା ଗୁଆରୁଣ୍ଡିଂକେ ତାଗ୍ରା ଜାଣ୍ଡେ ଅଃସେବାନ୍ ଲେଃକେ ଆମେକେ ପେଇଁ ମ୍ୟା ପେଲେକେ ଏ ଜିରେଇଁ ନେଙ୍ଗ୍ ପେଇଁନେ ତାଗ୍ରା ଗୁଆରୁଣ୍ଡିଂକେ ତାଗ୍ରା ପେଇଁ ବପୁବାନ୍ ବାରି ଇସ୍‌ପର୍‌ନେ ବ୍ଲାଲିର୍ ପେଇଁ ତାଗ୍ରା ଲେଃକେ ବାରି ପେଇଁ ପାପ୍‌ବାନ୍ ଜିତେ ପେଲେକେ ।

ମଞ୍ଚପୁରକେ ଆଲାଦ୍ ଆଡ଼ିଙ୍ଗେପା

୧୫ ପେଇଁ ମଞ୍ଚପୁରକେ ବା ଆଡ଼ ଲେଃକେ ବିସୟ୍ ଇଂକେ ଆଲାଦ୍ ପେଡ଼ି ଶୁ । ଜଦି ଜାଣ୍ଡେ ମଞ୍ଚପୁରକେ ବଲ୍ ବାଏ ତେଲା ଆବାନେ ଆଲାଦ୍ ମେଁନେ ତାଗ୍ରା ଶୁ । ୧୬ ତାଗ୍ରା ଗାଗ୍‌ଡେନେ ଲାଲ୍ୟା ମୁଆଁନେ

ଲାଲସା ମଞ୍ଚପୁର ବିସୟ ବାରି ରେମୁଆଁନେ ଗରବ୍ ଏନ୍ ସାପା ବିସୟ ଆବାନେ ଶୁ । ମାତର୍ ମଞ୍ଚପୁରବାନ୍ ପାଙ୍ଗଲେଃକେ । ୧୭ ମଞ୍ଚପୁର ନସ୍ ଡିଙ୍ଗଡିକେ । ଏନ୍ ଏତେ ମଞ୍ଚପୁରନ୍ନିଆ ଲେଃକେ ବିସୟ ଆଣ୍ଡେଙ୍ଗ ଡିଙ୍ଗ ନସ୍ ଡିଙ୍ଗଡିକେ । ମାତର୍ ଜାଣ୍ଡେ ପର୍ମେସରନେ ଇକ୍ଟା ପାଲନ୍ ଡିଙ୍ଗଏ, ମେଁ ମାତାନେ ଜୁଗ୍ ଜାକ ମ୍ଲୁଲେଃଏ ।

ଜିସୁନେ ସତୁ

୧୮ ଅ ଗଡେଇଂ ତେଃଡାନେ ଜୁଗ୍ ପିଙ୍ଗଟା ଡିଙ୍ଗକେ । କ୍ରିସୁନେ ସତୁ ପାଙ୍ଗନେ ବେଲା ଡିଙ୍ଗଡିକେ ଡାଗରେ ଅଁପେଲେକେ; କିସଟନେ ଗୁଲୁଏ ସତୁ ଏବେ ନୂଡିକେ; ସତେଆ ତେଃଡାନେ ଜୁଗ୍ ଡାଗ୍ରା ପିଙ୍ଗଟାଡିକେ ଡାଗରେ ନେ ମ୍ୟାନେଲେକେ । ୧୯ ଆକ୍ମେଇଂ ସତୁରେ ନେନେ କୁଦାନେ ରେମୁଆଁ ଶୁ ଆତେନ୍ ସା କ୍ଲେଇଂ ଆନେକେ ଆଡାର୍ ବିବ ଆକେ ନେନେ କୁଦାନେ ଡିଙ୍ଗଲେଲା ମେଇଂ ନେନେ ଏତେ ପାଲେଆରଏ; ନେବାନ୍ ସୁ ଝେନେବାନ୍ ମେଇଂ ନେନେ କୁଦାନେ ଶୁ ଡାଗରେ ଟିକ୍ ବାବରେ ଜାନାପଡେଲେଃକେ ।

୨୦ ବାରି ପେଇଂ ଆତେନ୍ ପବିତ୍ର ରେମୁଆଁବାନ୍ ଦିକ୍ୟା ଡିଙ୍ଗ ପେଲେଃକେସା ପେ ସାପାରେ ବୁଦି ବା ପେଲେକେ । ୨୧ ନେଙ୍ଗ ପେଇଂନେ ଡାଗ୍ରା ଗୁଆରନେ କାରନ୍ ଡିଙ୍ଗକେ ? ପେଇଂ ସତୁକେ ମ୍ୟା ପେଲେକେସା ନେଙ୍ଗ ଜେ ପେଇଂନେ ଡାଗ୍ରା ଗୁଆରଣ୍ଡିକେ ଆତାନ୍ ଶୁ । ମାତର୍ ପେଇଂ ସତୁକେ ମ୍ୟାପେଲେକେ ଡାଗରେ ଏନ୍ ଗୁଆରଣ୍ଡିକେ ?

୨୨ ତେଲା ନାଲେ ବାସଙ୍ଗ୍ରେ ଜାଣ୍ଡେ ? ଜିସୁକେ ଉଦାର୍ କର୍ତ୍ତା କିସଟ ଡାଗରେ ଜାଣ୍ଡେ ଆବାସଙ୍ଗ୍ ଶୁ ମେଁ ମିର୍ ବାସଙ୍ଗ୍ରେ । ବାରି ମେଁ କ୍ରିସୁନେ ସତୁ ଆବା ଇସପରନେ ବାରି ମେଁନେ ଉଙ୍ଗଡେ ଜିସୁ ମ୍ୟାୟାକେ ମେଁ ଗ୍ରଅନ୍ ଆଡିଙ୍ଗ୍ ଶୁ । ୨୩ ଆଣ୍ଡିନେ ରେମୁଆଁ ଉଙ୍ଗଡେକେ ଗ୍ରଅନ୍ ଆଡିଙ୍ଗ୍ ଶୁ ମେଁ ଆବାକେ ଡିଗ୍ ଗ୍ରଅନ୍ ଆଡିଙ୍ଗ୍ ଶୁ । ଆଣ୍ଡିନେ ରେମୁଆଁ ଉଙ୍ଗଡେକେ ଗ୍ରଅନ୍ ଡିଙ୍ଗଏ ମେଁ ମ୍ଲୁଃ ଆବାକେ ଡିଙ୍ଗ୍ ଗ୍ରଅନ୍ ଡିଙ୍ଗଏ ।

୨୪ ପେଇଂ ଅଃସେବାନ୍ ଆଣ୍ଡିନେ ବୁଦି ବାପେଲେକେ ଆତେନ୍ ପାଲନ୍ ଡିଙ୍ଗପା । ପେ ଜଦି ଆତେନ୍ ବୁଦି ଅନୁସାରେ ପେରୁଆ ପେଡକେଃଏ ତେଲା ଆବା ପର୍ମେସର ବାରି ଉଙ୍ଗଡେନେ ଡାଗ୍ରା

ପେଲେଃଏ । ୨୫ ଉଙ୍ଗଡେ ଆନେକେ ଏନ୍ ମାଡାନେ ପାରାନ୍ ଦ୍ଵିଏ ଡାଗ୍ରେ ପାରମାନ୍ ଡିଙ୍ଗ ବକେ ।

୨୬ ଜାଣ୍ଟେଇଂ ଆପେକେ ବାୟା ଆଡିଙ୍ଗ ନ୍ଵା ରେସ୍ତା ଡିଙ୍ଗ ଆର୍ଏ ମେଁଇଂନେ ବିସ୍ତରେ ନେଙ୍ଗ ପେଇଂନେ ଡାଗ୍ରା ଏନ୍ ସାପା ଗୁଆରମ୍ବକେ । ୨୭ ଆପେକେ କିସ୍ତ ଜିସୁ ମେଁନେ ପବିତ୍ର ଆମ୍ନିଆ ବଡି ଆଡିଙ୍ଗବକେ । ଆଣ୍ଟି ଜାକ ଏନ୍ ଆମ୍ନା ପେନେ ଆମ୍ନିଆ ଲେଃଏ, ମେଇଂନେ ସିକ୍ୟା ମିର୍ ଶୁ ବୁଦି ଗ୍ରାନ୍ ଡିଙ୍ଗନେ ପେନେ ଦରକାର୍ ଶୁ । ପବିତ୍ର ଆମ୍ନା ଆପେକେ ସାପା ବିସ୍ତରେ ନିମାଣ୍ଟା ବୁଦି ବିଏ, ମେଁନେ ବୁଦି ମିର୍ ଶୁ । ଆଡେନ୍ ଆମ୍ନେ ବୁଦି ପାଲନ୍ ଡିଙ୍ଗରେ କିସ୍ତନେ ଏଡେ ମିସେରେ ଲାଲାପା ।

୨୮ ଏ ଗଡେଇଂ କ୍ରିସ୍ତନେ ଡାଗ୍ରା ମିସେରେ ଲାଲାପା ତେଲା ମେଁ ଉଡିବେଲା ପାଙ୍ଗ୍ ପେ ମାବଟକୁଟା ମେଁନେ ସାମ୍ନା ଡିଙ୍ଗ ପେୟାଏ ଆଡେନ୍ ଦିନା ପେଇଂ ଗିଆସ ପେଡିଙ୍ଗ ଶୁ । ୨୯ ନେ ମ୍ୟା ନେଲେକେ ଜେ କ୍ରିସ୍ତ ନ୍ୟାୟ ବିଃଣ୍ଟେ । ଏନ୍ ଡିଗ୍ ନେ ମ୍ୟାନେ ନେଲେକେ ଜେ ଜାଣ୍ଟେଇଂ ସଡକାମ୍ ଡିଙ୍ଗଆର୍ଏ ମେଇଂ ଇସ୍ପର୍ନେ ଗଡେଇଂ ।

୩

ଇସ୍ପର୍ନେ ଉଙ୍ଗଡେ

୧ ✨ଇସ୍ପର୍ ଆନେକେ ଉଡି ଆଲାଦ୍ ଡିଙ୍ଗଡିକେ ଇକୁଡା ଚିନ୍ତା ଡିଂକେଲାପା । ନେନେ ଆଡାଡା ମେଁନେ ଆଲାଦ୍ ଅଃକେନ୍ ଜାବର୍ ଜେ ନେ ମେଁନେ ଉଙ୍ଗଡେ ଡାଗ୍ରେ ମିଲେଃକେ । ସଡେଆ ନେନେ ମେଁନେ ଉଙ୍ଗଡେ ତେସା ମଞ୍ଚପୁର୍ ଇସ୍ପର୍କେ ମ୍ୟା ଆଲେଃଲା ଆନେକେ ଡିଗ୍ ସାମ୍ନାଆଁ ଆୟାକେ ଶୁ । ୨ ଅ ନିଜର୍ ମେଁତର୍ଇଂ, ଏବେ ନେ ସାପା ଇସ୍ପର୍ନେ ଉଙ୍ଗଡେ, ମାଡର୍ ଇଡିଂଡେ ମୋଃନେ ନେଡିଙ୍ଗଏ, ଏନ୍ ସାମ୍ନାଆଁ ବାରି ଡାର୍ କାରେ । ଅଃକେନ୍ ମାଡର୍ ନେ ମ୍ୟା ନେଲେଃ: ଉଡିବେଲା କ୍ରିସ୍ତ ଆରମ୍ବଇଂଡର୍ ପାଙ୍ଗ୍ଏ, ନେ ମେଁନେ ସଡେଆଃ ରୁପ୍ କେରେ ମେଁନେ ସୁଗା ନେଡିଙ୍ଗଏ । ୩ ଜାଣ୍ଟେଇଂ କ୍ରିସ୍ତନେ ଡାଗ୍ରା ଏନ୍ ଆସା ବାଆରକେ, ମେଇଂ କ୍ରିସ୍ତନେ ରକମ୍ ନିଜେକେ ପବିତ୍ର ଆଃଡିଙ୍ଗରେ ବଆର୍ଏ ।

✨ ୩:୧ ୩:୧ ଜହନ୍ ୧:୧୨.

୪ ଜାଣ୍ଟେ କି ପାପ୍ ତିଙ୍ଗ୍‌ଏ ମେଁ ଇସ୍‌ପରନେ ଆଦେସ୍ ଅମାନି ତିଙ୍ଗ୍‌ଏ, ତାଗ୍ଲା ପାପ୍‌ନେ ଅରଡ୍ ତିଙ୍ଗ୍‌କେ ଆଦେସ୍ ଅମାନି । ୫ *ଏନ୍ ପେଇଁ ମ୍ୟା ପେଲେଃକେ ଜେ ନେଁଇଁନେ ପାପ୍ ତୁଂଡ୍ ନସା କ୍ରିସ୍ଟ୍ ପାଙ୍ଗ୍‌ଲେଃକେ ବାରି ମେଁନେ ତାଗ୍ଲା ପାପ୍ ଆଲେଃକେ ଶୁ । ୬ ଜାଣ୍ଟେ କି ମେଁନେ ତାଗ୍ଲା ଲେଃଏ ମେଁ ପାପ୍ ଆଡିଙ୍ଗ୍ ଶୁ; ଜାଣ୍ଟେ କି ପାପ୍ ତିଙ୍ଗ୍‌ଏ ମେଁ ଆମେକେ ଅଃନା ଆକେ ଶୁ ଶୁଲା ଆମେକେ ଆମ୍ୟା ଶୁ ।

୭ ଏ ଗଡ଼େଇଁ ଜାଣ୍ଟେ ଅପେଃକେ ବାୟା ଆରାଡିଙ୍ଗ୍‌ଲେ; ଜାଣ୍ଟେ ସଡ୍ କାମ୍ ତିଙ୍ଗ୍‌ଏ କ୍ରିସ୍ଟ୍ ତିରକମ୍ ଦରମ୍ ଲେଃକେ ମେଃଡିଗ୍ ଦେଡ୍ ରକମ୍ ଦରମ୍ ତିଙ୍ଗ୍‌ଏ । ୮ ଜାଣ୍ଟେ ପାପ୍ ତିଙ୍ଗ୍‌ଏ ମେଁ ସୟତାନ୍ ବାନ୍ ଜନମ୍ ତାଗ୍ଲା ସୟତାନ୍ ଅଃସେବାନ୍ ପାପ୍ ତିଙ୍ଗ୍ ପାଙ୍ଗ୍‌କେ । ସୟତାନ୍‌ନେ କାମ୍ ନଷ୍ଟ୍ ଆଡିଙ୍ଗ୍ ନସା ଇସ୍‌ପର ଉଙ୍ଗ୍‌ଡେ ଜନମ୍ ପାଙ୍ଗ୍‌କେ ।

୯ ଜା ଇସ୍‌ପରନେ ରେମୁଆଁ ମେଁ ପାପ୍ ଅଃନା ଆଡିଙ୍ଗ୍ ଶୁ । ତାଗ୍ଲା ମେଁ ଇସ୍‌ପରନେ ଗଡ଼େଅ ବାରି ମେଁ ଇସ୍‌ପର ବାନ୍ ଜନମ୍ ତିଙ୍ଗ୍‌ଲେଃକେସା ପାପ୍ ତିଙ୍ଗ୍ ଆୟା ଶୁ । ୧୦ ଏନ୍‌ବାନ୍ ଜାଣ୍ଟେ ଇସ୍‌ପରନେ ଉଙ୍ଗ୍‌ଡେ ତିଙ୍ଗ୍‌ଏ ବାରି ସୟତାନ୍‌ନେ ଉଙ୍ଗ୍‌ଡେ ତିଙ୍ଗ୍‌ଏ ଆକେନ୍ ନ୍ୟାଏ; ଜାଣ୍ଟେ କି ଦରମ୍ କରମ୍ ଆଡିଙ୍ଗ୍ ଶୁ ଶୁଲା ବିସ୍‌ବାସି ବୟା ତନାକେ ଆଲାଦ୍ ଆଡିଙ୍ଗ୍ ଶୁ ମେଁ ଇସ୍‌ପରନେ ବାନ୍ ଜନମ୍ ଶୁ ।

ମୁଇଂଜା ବିନ୍ ମୁଇଂଜାକେ ଆଲାଦ୍ ତିଙ୍ଗ୍‌ପା

୧୧ *ମୁଇଂଜା ବିନ୍ ମୁଇଂଜାକେ ଆଲାଦ୍ ତିଁନେ ଦରକାର୍ ଆକେନ୍ ସାମୁଆଁ ଅଃସେବାନ୍ ଅଁନେଲେଃକେ । ୧୨ ପାପ୍ ଆମ୍‌ନେ ଗଡ଼େଅ ଜେ କୟିନ୍ ମେଁନେ ରକମ୍ ଆଡିଙ୍ଗ୍‌ପା ମେଁ ନିଜର୍ ବୟାକେ ବାଗୁଏଃକେ; ବାରି ମେଁ ଆମେକେ ମେନ୍‌ସା ବାଗୁଏଃକେ ? ତାଗ୍ଲା ଦେକ୍ ଜେ ମେଁନେ କାମ୍ ପାପ୍ ଲେଃକେ ବାରି ମେଁନେ ବୟାକେ କାମ୍ ଦରମ୍ ଲେଃକେ ।

୧୩ ଏ ନେଙ୍ଗ୍‌ନେ ବୟା ତନାଇଁ ମଞ୍ଚ୍‌ପୁରନେ ରେମୁଆଁ ଆପେକେ ଇଙ୍ଗ୍‌ରେଲା ଆକ୍‌ବାନ୍ କାବା ଆଡିଙ୍ଗ୍‌ପା । ୧୪ *ଜଦି ନେ କିସ୍‌ଟ ବୟା ତନାଇଁକେ ଆଲାଦ୍ ତିଁନେତିଁକେ ନେ ମ୍ୟା ନେଲେଃକେ ଜେ ନେ ଗୁଏନେ ଜିଡେଟେ ଜିବନ୍ ବାନେଲେଃକେ । ଜାଣ୍ଟେ ଆଲାଦ୍

* ୩:୫ ୩:୫ ଜହନ ୧:୨୯. ☆ ୩:୧୧ ୩:୧୧ ଜହନ ୧୩:୩୪. ☆ ୩:୧୪ ୩:୧୪ ଜହନ ୫:୨୪.

ଆଡ଼ି ଶୁ ମେଁ ଏବେ ତିଗ୍ ଗୁଏକ୍ଲେ ସମାନ୍ । ୧୫ ଜାଣ୍ଡେ ମେଁନେ ବୟାଣ୍ଡେକେ ଇଙ୍ଗ୍‌ଚେଲା ମେଁ ମୁଇଙ୍ଗ୍ ରେମୁଆଁ ବାଗୁଏଃଣ୍ଡେ । ରେମୁଆଁ ବାଗୁଏଃଣ୍ଡେ ମାଡାନ୍‌ନେ ଜିବନ୍ ଆଲେଃ ଶୁ ଡାଗଚେ ପେ ମ୍ୟାପେଲେକେ । ୧୬ ଜିସୁ ନେନ୍‌ସା ନିଜର୍ ପାରାନ୍ ବିଃକ୍ଲେ ବାନ୍ ନେ ଆଲାଦ୍ ଗିଆନ୍ ବାନ୍‌ଲେଃକେ । ନେ ତିଗ୍ ନିଜର୍ ବୟାଁଇଁନ୍‌ସା ପାରାନ୍ ବିନେ ଦରକାର । ୧୭ ଜାଗତିକ ବାବ୍‌ରେ ଜଦି ମୁଇଁନ୍‌ସା ଡାକାର ରେମୁଆଁ ନିଜର୍ ବୟାଁନେ ଅସବିଦା ଅବସ୍ତା କେଚେ ତିଗ୍ ଆମେକେ ସାଇଜ ଆଡିଙ୍ଗ୍ ଶୁ ମେଁନେ ଗର୍‌ବେନିଆ ପର୍‌ମେସର୍‌ନେ ଆଲାଦ୍ ଶୁ । ୧୮ ଗଡେଇଁନ୍‌ନେ ଆଲାଦ୍ ସାମୁଆଁନିଆ ବାରି ସାମୁଆଁ ଦ୍ରିଗ୍‌ନିଆ ନାଲା ଜାବର୍ ଆଡିଙ୍ଗ୍ ଶୁ; ଆମେକେ କାମ୍‌ନିଆ ଆରି ସଡ୍ ବାବ୍‌ରେ ଆଲାଦ୍ ଆସୁଏ ଲେଃକେ ?

୧୯ ଆଡେନ୍ ନେଡିଂଲା, ନେ ଜେ ସଡ୍‌ନେ ଗଡେଇଁନ୍‌, ଆକେନ୍ ନେମ୍ୟାଃଏ । ୨୦ ବାରି ମେଃଡିଗ୍ ବିସୟରେ ନେଁଇଁନେ ଗାଗ୍‌ଡେ ଆନେକେ ଦସ୍ ଆଃଡିଙ୍ଗ୍‌ଏ ଆଡେନ୍ ବିସୟରେ ଆଡ୍‌ବାନ୍ ମେଁନେ ଡାଗ୍ରା ପେଇଁନେ ଗାଗ୍‌ଡେ ନିମାଣ୍ଡା ଆଡିଙ୍ଗ୍ ଯାଏ; ଡାଗ୍ଲା ଇସପର୍ ନେଁଇଁନେ ଗାଗ୍‌ଡେ ବାନ୍ ମ୍ଲା ବାରି ମେଁ ସାପା ମ୍ୟାଏ । ୨୧ ଅ ନିଜର୍ ମେଁଡର୍‌ଇଁନ୍‌ ନେ ଗର୍‌ବେ ଜଦି ଆନେକେ ଦସି ଆଡିଙ୍ଗ୍ ଶୁ ତେଲା ପର୍‌ମେସର୍‌ନେ ଡାଗ୍ରା ନେଁଇଁନେ ସାପା ଆସା ଲେଃକେ । ୨୨ ବାରି ଆମେକେ ମେଃନେ ସାଲ୍ୟାଏ, ମେଁ ଆଡାନ୍ ଦାନ୍ ତିଙ୍ଗ୍‌ଏ, ଡାଗ୍ଲା ନେ ମେଁନେ ଆଦେସ୍ ପାଲନ୍ ନେଡିଙ୍ଗ୍‌ଏ ବାରି ମେଁନେ ମ୍ମୁଆଃନିଆ ଆଣ୍ଡିନେ ନିମାଣ୍ଡା ଆଡାନ୍ ତିଙ୍ଗ୍‌ନେଡିଙ୍ଗ୍‌କେ । ୨୩ ☆ନେନେ ଆଡାଡା ମେଁନେ ଆଦେସ୍ ତିଂତିଂକେ: ମେଁନେ ଡଂଡେ ଜିସୁ କିସଟନେ ମ୍ମିନିଆ ବିସ୍‌ବାସ୍ ତିଂନେ ବାରି କିସଟନେ ଆଦେସ୍ ଅନୁସାରେ ମୁଇଁନା ବିନ୍ ମୁଇଁନାକେ ଆଲାଦ୍ ନେଃଡିଂ । ୨୪ ଜାଣ୍ଡେ ମେଁନେ ଆଦେସ୍ ପାଲନ୍ ତିଙ୍ଗ୍‌ଏ, ମେଁ ମେଁନେ ଡାଗ୍ରା ଲେଃଏ ବାରି ମେଁ ମେଁ ଡାଗ୍ରା ଲେଃଏ; ବାରି ମେଁ ତିଗ୍ ନେଁଇଁନେ ଡାଗ୍ରା ଲେଃଏ ଏନ୍ ନେ ମେଁ ବିଃବକ୍ଲେ ଆମ୍‌ନେ ବାନ୍ ମ୍ୟାନ୍‌ଡିଙ୍ଗ୍‌କେ ।



ଇସ୍ପରନେ ଆମ୍ବା ବାରି ମିଚ୍ ଆମ୍ବା

୧ ଅ ନିଜର ମୈତରୁଇଁ ଇସ୍ପରନେ ଆମ୍ବାନେ ବାଲେଃକେ ଡାଗ୍ରେ ଜାଣେଇଁ ବାସଙ୍ଗ୍ ଆରଏ, ଆତାନ୍ ସାପାରେକେ ବିସ୍ବାସ୍ ଆଡ଼ିଙ୍ଗ୍ପା ମେଇଁ ବାଲେଃକେ ଆମ୍ବା ସତ୍ରେ ଇସ୍ପରନେ ବାନ୍ ପାଙ୍ଗ୍ଲେକେ ଶୁ; ସେନ୍ନୁଗ୍ ପରିକ୍ୟା ଡିଙ୍ଗ୍ କେଲାପା । ଡାଗ୍ଲା ମଞ୍ଚପୁରନ୍ନିଆ ଗୁଲୁଏ ବଣ୍ଡ ବାବବାଦି ତାରଲେଃଆକେ । ୨ ମେଇଁ ଇସ୍ପରନେ ଆମ୍ବା ବାଲେଃକେ ଶୁ ଆତେନ୍ ମ୍ୟାନେ ଉପାୟ୍ ଡିଙ୍ଗ୍ କେ: ଆଣ୍ଡିନେ ରେମୁଆଁ ଡାଗ୍ଲା ଇସ୍ପରନେ ଆମ୍ବା ଲେଃକେ ମୈ କୁଲାକୁଲି ବାବରେ ବାସଙ୍ଗ୍ ଏ ଜେ ଜିସୁ କିସ୍ଟ ରେମୁଆଁ ରକମ୍ ପାଙ୍ଗ୍ ଲେଃକେ । ୩ ଡାଗ୍ଲା ଜାଣେ ଜିସୁନେ ବିସ୍ମରେ ଏନ୍ ସାମୁଆଁ ଗ୍ରଅନ୍ ଆଡ଼ିଙ୍ଗ୍ ଶୁ ମୈ ଆନା ଡିଗ୍ ଇସ୍ପରନେ ଆମ୍ବା ବା ଆଲେ ଶୁ । କିସ୍ଟନେ ସତ୍ତୁବାନ୍ ମୈ ଆତେନ୍ ଆମ୍ବା ବାଲେଃକେ ଏନ୍ ଆମ୍ବାନେ ପାଙ୍ଗ୍ନେ ବିସ୍ମରେ ପେ ଅପେଲେକେ ଆତେନ୍ ଏକ୍ରେ ଏନ୍ ମଞ୍ଚପୁରନ୍ନିଆ ପାଙ୍ଗ୍ଲେଃକେ ।

୪ ଆଲାଦ୍ନେ ଗଡ଼େଇଁ, ପେଇଁ ଇସ୍ପରନେ । ଆତେନ୍ ବଣ୍ଡ ବାବବାଦିକ୍ନେ ପେ ଜିଡେ ପେଲେକେ ଡାଗ୍ଲା ପେନେ ଡାଗ୍ଲା ବାସା ଲେଃକେ ଇସ୍ପରନେ ଆମ୍ବା, ସଂସାରନେ ରେମୁଆଁଇଁ ଆମ୍ବାବାନ୍ ଜାବର୍ ବପୁ । ୫ ବଣ୍ଡ ବାବବାଦିକ୍ ଏନ୍ ମଞ୍ଚପୁରନେ ମେଇଁ ମଞ୍ଚପୁରନେ ସାମୁଆଁ ବାସଙ୍ଗ୍ ଅଲେଙ୍ଗ୍ଡିକେ । ରେମୁଆଁଇଁ ମୈଇଁନେ ସାମୁଆଁ ଅଆରଡିକେ । ୬ ମାତର୍ ନେ ଇସ୍ପରନେ । ଜାଣେ କି ଇସ୍ପରକେ ମ୍ୟାଏ ମୈ ନୈଇଁନେ ସାମୁଆଁ ଅଏ । ଜାଣେଇଁ ଇସ୍ପରନେ ଶୁ ମେଇଁ ନେନେ ସାମୁଆଁ ଆଅଆର୍ ଶୁ । ଆକ୍ବାନ୍ ସତ୍ ଆମ୍ବା ବାରି ମିଚ୍ ଆମ୍ବା ବିଡ୍ରେ ଅଲ୍ଗା ନେ ମ୍ୟା ନେୟାଏ ।

ନିଜର ନିଜର ବିଡ୍ରେ ଆଲାଦ୍ ଡିଂପା

୭ ନିଜର ମୈତରୁଇଁ ! ଏଲାପା ନିଜର ନିଜର ବିଡ୍ରେ ଆଲାଦ୍ ଡିଙ୍ଗ୍ପା, ଡାଗ୍ଲା ଆଲାଦ୍ ଇସ୍ପରନେ ବାନ୍ ଜନମ୍ । ଜାଣେନେ ଗର୍ବେ ଆଲାଦ୍ ଲେଃକେ, ମୈ ଇସ୍ପରନେ ଉଙ୍ଗ୍ଡେ ମୈ ଇସ୍ପରକେ ମ୍ୟାଏ । ୮ ଜାଣେ ଆଲାଦ୍ ଆଡ଼ିଙ୍ଗ୍ ଶୁ ମୈ ଇସ୍ପରକେ ଆମ୍ୟା ଶୁ ଡାଗ୍ଲା ଇସ୍ପର ତ ଆଲାଦ୍ । ୯ ଦେକ୍‌ରକମ୍ ବାବରେ ପର୍ମେସର୍

ଆନେକେ ମେଁନେ ଆଲାଦ୍ ବିବକେ ଜେ ମେଁ ନିଜରନେ ମୁଇଂ ଆଃ
 ଉଙ୍ଗଡେକେ ମଞ୍ଚପୁରନ୍ନିଆ ବେବକେ ଡିରକମ୍ ନେ ମେଁନେ ବାନ୍
 ଅଃନା ମାଡାନେ ଜିବନ୍ ନେବାଏ । ^{୧୦} ନେ ପର୍ମେସର୍କେ ଆଲାଦ୍
 ନେଡିଙ୍ଗକେ ଆଡେନ୍ ଶୁ ମାତର୍ ମେଁ ଆନେକେ ଆଲାଦ୍ ଡିଙ୍ଗକେ
 ଆକେନ୍ ଡିଙ୍ଗକେ ସଡ୍ ଆଲାଦ୍ । ବାରି ନିଜର୍ ଉଙ୍ଗଡେକେ ନେନେ
 ପାପ୍ ମୁକ୍ତି ଆଡିଙ୍ଗ୍ ନସା ବେବକେ ।

^{୧୧} ଅ ନିଜର୍ ମେଁତର୍ଇଂ ଇସପର୍ ଜଦି ଆନେଃକେ ଆଲାଦ୍
 ତିଂତିଂକେ ତେଲା ନେ ଡିଗ୍ ଦେକ୍‌ରକମ୍ ଆଲାଦ୍ ନେଃଡିଂପା ।
^{୧୨} ଇସପର୍କେ ଅଃନା ଜାଣ୍ଟେ ଆକେକେ ଶୁ ମାତର୍ ନେ ଜଦି ନିଜର୍
 ନିଜର୍ ବିତ୍ରେ ଆଲାଦ୍ ନେଡିଙ୍ଗ୍, ଇସପର୍ ନେଁ ତାଗ୍ରା ବାସା ଲେଃଏ
 ବାରି ନେଁ ତାଗ୍ରା ମେଁନେ ଆଲାଦ୍ ନିମାଣ୍ଡା ଲେଃଏ ।

^{୧୩} ନେ ଜେ ମେଁନେ ତାଗ୍ରା ନେଲେକେ ବାରି ମେଁ ନେଁଇଂନେ ତାଗ୍ରା
 ଲେଃକେ ଏନ୍ ନେ ମ୍ୟାନେଲେକେ ମାତର୍ ପର୍ମେସର୍ ମେଁନେ
 ପବିତ୍ର ଆମ୍ବାକେ ବିବକେ । ^{୧୪} ଆବା ଜେ ଉଙ୍ଗଡେକେ ମଞ୍ଚପୁରନେ
 ଆମ୍ବାଣ୍ଟେ ଡିଗ୍ ନସା ବେବକେ ଏନ୍ ନେ କେନେଡିଙ୍ଗକେ ବାରି
 ସାକି ବିଃନେଡିଙ୍ଗକେ । ^{୧୫} ଜାଣ୍ଟେକି ଜିସୁକେ ଇସପର୍ନେ ଉଙ୍ଗଡେ
 ତାଗ୍‌ରେ ଗ୍ରାଅନ୍ ଡିଙ୍ଗ୍ ଇସପର୍ ମେଁନେ ତାଗ୍ରା ଲେଃକେ ବାରି
 ମେଁ ଇସପର୍ନେ ତାଗ୍ରା ଲେଃକେ । ^{୧୬} ବାରି ନେଁଇଂନେ ବିତ୍ରେ
 ଇସପର୍ନେ ଆଣ୍ଟିନେ ଆଲାଦ୍ ଲେଃକେ ଆଡେନ୍ ନେ ମ୍ୟାନେଲେକେ
 ବାରି ବିସବାସ୍ ଡିଙ୍ଗନେବକେ ।

ଇସପର୍ ଲେଃ ଆଲାଦ୍; ଜାଣ୍ଟେ ଆଲାଦ୍‌ରେ ଲେଃଏ ମେଁ
 ଇସପର୍ନେ ତାଗ୍ରା ଲେଃଏ ବାରି ଇସପର୍ ମେଁନେ ତାଗ୍ରା ଲେଃଏ ।

^{୧୭} ଇସପର୍ ରକମ୍ ଜିବନ୍ କାଚେନେ ବାନ୍ ଇସପର୍ ଆଲାଦ୍
 ନେ ବିତ୍ରେ ଜନମ୍‌ବାନ୍ ଦର୍ମ୍ ରୁଦି ଡିଙ୍ଗ୍‌ଲେଃକେ ବିଚାର୍ ଦିନ୍ ବେଲା
 ନେ ସାଆସ୍ ନେବାଏ ମାତର୍ ମେଁ ଡିରକମ୍ ଲେଃକେ ନେ ଡିଗ୍ ଏନ୍
 ମଞ୍ଚପୁରନ୍ନିଆ ଦେଡ୍‌ରକମ୍ ନେଲେକେ । ^{୧୮} ଆଣ୍ଟିଅରିଆ ଆଲାଦ୍
 ଲେଃକେ ଆଡ୍‌ଅରିଆ ବୁଟମେଗ୍ ଆଲେଣ୍ଡୁ । ଜନମ୍‌ବାନ୍ ଦର୍ମ୍ ରୁଦି
 ଆଲାଦ୍ ସାପା ବୁଟମେଗ୍‌କେ ସ୍ଲୁ ଆଃଡିଙ୍ଗ୍ । ଜାଣ୍ଟେ ବୁଟମେଗ୍‌ଏ

☆ ୪:୧୨ ୪:୧୨ ଜହନ୍ ୧:୧୮.

ମୈନେ ତାଗ୍ରା ଆଲାଦ୍ ଜନମ୍‌ବାନ୍ ଦର୍ମ ବୁଦି ଆଡ଼ିଙ୍ଗକେ ଶୁ: ତାଗ୍ରା
ଡ଼ଣ୍ଡ ବାନେ ବୁଟମେଗ୍ ମୈନେ ତାଗ୍ରା ବାରି ଲେଃକେ ।

^{୯୯} ନେ ଆଲାଦ୍ ଡିଙ୍ଗନେ ମ୍ୟାନେଲେକେ ତାଗ୍ରା ଇସ୍‌ପର ଆଃ
ସେନୁଗ୍ ଆନେକେ ଆଲାଦ୍ ଡିଙ୍ଗବକେ । ^{୧୦୦} ଇସ୍‌ପରକେ ଆଲାଦ୍
ଡିଙ୍ଗଡ଼ିକେ ତାଗ୍ରାରେ ଜଦି ଜାଣ୍ଡେ ବାସଙ୍ଗ୍‌ଏ ମାତର ନିଜର ବିସ୍‌ବାସି
ବୟା ବାରି ତନାଙ୍ଗକେ ଜା ଜଦି ଇଂଚେଏ ତେଲା ମୈ ମିର୍ ରେମୁଆଁ
ତେଲା ଆଣ୍ଡିନେ ବୟାକେ କେପେଲେଃକେ ଜଦି ଆମେକେ ଜାଣ୍ଡେ
ଆଲାଦ୍ ଆଡ଼ିଙ୍ଗ ଶୁ ତେଲା ଆଣ୍ଡିନେ ଇସ୍‌ପରକେ ମୈ ଆକେକେ
ଶୁ ଆମେକେ ଆଲାଦ୍ ଡିଙ୍ଗ ଆୟା ଶୁ । ^{୧୦୧} ଜାଣ୍ଡେ ଇସ୍‌ପରକେ
ଆଲାଦ୍ ଡିଙ୍ଗ୍‌ଏ ମୈ ନିଜର ବୟା ବାରି ତନାକେ ଡିଙ୍ଗ ଆଲାଦ୍ ଡିଙ୍ଗ୍‌ଏ
ଆକେନ୍ ଆଦେସ୍ ନେଃ ମୈନେବାନ୍ ବାନେଲେଃକେ ।

୫

ମଞ୍ଚପୁର ଆଡ଼ାଡ଼ା ଜିତେନେ

^୧ ଜାଣ୍ଡେ ଜିସୁକେ କିସ୍‌ଟ ତାଗ୍ରାରେ ବିସ୍‌ବାସ୍ ଡିଙ୍ଗ୍‌ଏ ମୈ
ଇସ୍‌ପରନେ ଉଙ୍ଗଡେ । ଜାଣ୍ଡେକି ମୁଇଙ୍ଗ୍ ଆବାକେ ଆଲାଦ୍ ଡିଙ୍ଗ୍‌ଏ
ଆଡେନ୍ ଆବାନେ ଉଙ୍ଗଡେକେ ତିଗ୍ ମୈ ଆଲାଦ୍ ଡିଙ୍ଗ୍‌ଏ । ^୨ ନେ
ଉଡ଼ିବେଲା ଇସ୍‌ପରକେ ଆଲାଦ୍ ନେଡିଙ୍ଗ୍‌ଏ ବାରି ମୈନେ ଆଦେସ୍
ପାଲନ୍ ନେଡିଙ୍ଗ୍‌ଏ ଆଡେନ୍ ବେଲା ତେନ୍‌ବାନ୍ ମ୍ୟା ନେୟାଏ ଜେ
ନେ ଇସ୍‌ପରନେ ଉଂଡେଇଂକେ ଆଲାଦ୍ ଡିଙ୍ଗ୍‌ନେଡିଙ୍ଗ୍‌କେ । ^୩ ତାଗ୍ରା
ଇସ୍‌ପରକେ ଆଲାଦ୍ ଡିଙ୍ଗ୍‌ନେ ଡିଙ୍ଗ୍‌କେ ଏନ୍ ଅର୍ତ ନେ ମୈନେ
ଆଦେସ୍ ପାଲନ୍ ନେଡିଙ୍ଗ୍‌ଏ । ମୈନେ ଆଦେସ୍ ପାଲନ୍ ଡିଙ୍ଗ୍‌ନେ
ମାଲେ କସ୍ଟୁ ଶୁ । ^୪ ତାଗ୍ରା ଇସ୍‌ପରନେ ଉଙ୍ଗଡେଇଂ ଏନ୍ ମଞ୍ଚପୁରକେ
ଜିତେନେ ବପୁ ବା ଲେଃକେ । ବିସ୍‌ବାସ୍ ବପୁରେ ନେ ମଞ୍ଚପୁରନେ
ଆଡ଼ାଡ଼ା ଜିତେ ନେୟାଏ । ^୫ ଏନ୍ ମଞ୍ଚପୁରକେ ଜାଣ୍ଡେ ଜିତେ ଯାଏ ?
ଜିସୁକେ ଇସ୍‌ପରନେ ଉଙ୍ଗଡେ ତାଗ୍ରାରେ ଜାଣ୍ଡେ ବିସ୍‌ବାସ୍ ଡିଙ୍ଗ୍‌ଏ ମୈ
ମଞ୍ଚପୁରକେ ଜିତେ ଯାଏ ।

ଜିସୁ କିସ୍‌ଟନେ ବିସ୍‌ୟରେ ସାକି

☆ ୫:୩ ୫:୩ ଜହନ ୧୪:୧୫.

୬ ଆତାନ୍ ଜିସୁ କିସ୍ତ ଶ୍ରୀଆ ବାରି ମିଆଁ ବିଚେ ପାଙ୍ଗଲେଃକେ, ମାତର ଶ୍ରୀଆ ବିଚେ ଶୁ, ମାତର ଶ୍ରୀଆ ବାରି ମିଆଁ ମ୍ବାକ୍ଲିଗ୍ ବିଚେ ପାଙ୍ଗଲେଃକେ । ଆକେନ୍ ସାମୁଆଁନେ ସତ୍ ନିଜେ ପରମାମ୍ବା ପରମାନ୍ ଡିଂବକେ, ତାଗ୍ଲା ପରମାମ୍ବା ଆଃ ସତ୍ । ୭ ବାରି ଆମ୍ବା ଡିଗ୍ ଆକ୍ନେ ସାକ୍ୟ ବିଏ ତାଗ୍ଲା ଆମ୍ବା ଆଃ ସତ୍ । ୮ ଆମ୍ବା ଶ୍ରୀଆ ବାରି ମ୍ୟା କ୍ଲେଇଂ ଞ୍ଜିକ୍ଲିଗ୍ ସାକ୍ୟ ମୁଇଙ୍ଗ୍ । ୯ ନେ ଜଦି ରେମୁଆଁନେ ସାକ୍ୟ ଗ୍ରାଅନ୍ ନେଡିଙ୍ଗ୍ଏ ତେଲା ଇସ୍ପରନେ ସାକ୍ୟ ମେଁନେ ବାନ୍ ମ୍ବା ବାରି ଇସ୍ପରନେ ସାକ୍ୟ ଏନ୍ ଜେ ମେଁ ନିଜର ଉଂଡେନେ ବିସ୍ପୟରେ ସାକି ବିଃବକେ । ୧୦ ଜାଣ୍ଡେ ଇସ୍ପରନେ ଉଂଡେନେ ତାଗ୍ରା ବିସ୍ପୟ ଡିଙ୍ଗ୍ଏ ମେଁ ନିଜର ଅଃନା ମାତାନ୍ନିଆ ଏନ୍ ସାକି ବାଲେଃକେ; ଜାଣ୍ଡେ ଇସ୍ପରନେ ସାକି ବିସ୍ପୟ ଆଡିଙ୍ଗ୍ ଶୁ ମେଁ ଇସ୍ପରକେ ମିର୍ ତାଗ୍ରେ ବାସଙ୍ଡିଂକେ ତାଗ୍ଲା ଇସ୍ପର ନିଜର ଉଂଡେନେ ବିସ୍ପୟରେ ଆଣ୍ଡିନେ ସାକି ବିବକେ ଆତାନ୍ ମେଁ ବିସ୍ପୟ ଆଡିଙ୍ଗ୍କେ ଶୁ । ୧୧ ☆ଆଡେନ୍ ସାକି ଏନ୍ ଜେ ଇସ୍ପର ଆନେକେ ମାତାନେ ପାରାନ୍ ବିବକେ ବାରି ଆଡେନ୍ ପାରାନ୍ ମେଁନେ ଉଂଡେନେ ତାଗ୍ରା ଲେଃକେ । ୧୨ ଜାଣ୍ଡେ ଉଙ୍ଗ୍ଡେକେ ବାଲେଃକେ ମେଁ ପାରାନ୍ ବାଲେଃକେ; ଜାଣ୍ଡେ ଇସ୍ପରନେ ଉଙ୍ଗ୍ଡେକେ ବାଆଲେଃକେ ମେଁ ପାରାନ୍ ଡିଗ୍ ଆବାକେ ଶୁ ।

ମାତାନେ ପାରାନ୍

୧୩ ଆପେକେ ଏନ୍ ଉଲିଆ ଗୁଆରମ୍ବକେ ମାତାନେ ପାରାନ୍ନେ ଅଦିକାର୍ ତାଗ୍ରେ ପେଇଂ ଡିରକମ୍ ପେମ୍ୟାଏ ତାଗ୍ଲା ଇସ୍ପରନେ ଉଂଡେନେ ମ୍ବିନ୍ନିଆ ପେଇଂନେ ବିସ୍ପୟ ଲେଃକେ । ୧୪ ବାରି ନେ ଅଃନା ମେଁନେ ଇକ୍ତା ରକମ୍ ମେଃଡିଗ୍ ପାର୍ଡନା ନେଡିଙ୍ଗ୍ଏ, ତେଲା ମେଁ ନେଁଇଂନେ ଆଡେନ୍ ପାର୍ଡନା ଅଁଏ, ମେଁନେ ତାଗ୍ରା ନେଁନେ ଏନ୍ ସାଆସ୍ ଲେଃକେ । ୧୫ ବାରି ନେ ମେଁନେ ତାଗ୍ରା ମେଃଡିଗ୍ ପାର୍ଡନା ନେଡିଙ୍ଗ୍ଏ ମେଁ ଅଁଏ ତାଗ୍ରେ ଜଦି ନେ ମ୍ୟାନେଲେକେ ତେଲା ମେଁନେ ତାଗ୍ରା ମେଃଡିଗ୍ ପାର୍ଡନା ଡିଙ୍ଗ୍ନେଡିଙ୍ଗ୍କେ ଆତାନ୍ସାପା ଜେ ବାନେଲେଃକେ ଏନ୍ ଡିଗ୍ ମ୍ୟାନେଲେକେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାତୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c